

Broj: 01-04-2-300/2022

Sarajevo, 10.10.2022

Na osnovu člana 20. Statuta Fonda za zaštitu okoliša Federacije BiH („Službene novine Federacije BiH“, broj 33/06, 1/15 i 62/19), direktor Fonda za zaštitu okoliša Federacije BiH donosi sljedeću

ODLUKU

I

Otkazuje se postupak javne nabavke usluge revizije finansijskih izvještaja Fonda za zaštitu okoliša Federacije BiH za 2022. godinu, pokrenut putem postupka konkurentskog zahtjeva za dostavu ponuda, broj: 01-04-2-3350/2022 od 02.09.2022. godine, broj Obavještenja o nabavci 1382-7-2-13-3-9/22 od 02.09.2022. godine, procijenjene vrijednosti u iznosu od 10.000,00 KM bez uračunatog PDV-a, zbog dokazanih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

II

Ova odluka objavit će se na web stranici Fonda za zaštitu okoliša Federacije BiH istovremeno s upućivanjem ponuđačima koji su učestvovali u postupku javne nabavke.

Obrazloženje

Postupak javne nabavke pokrenut je Odlukom o pokretanju postupka javne nabavke, broj: 01-04-2-206/2022 od 20.07.2022. godine. Javna nabavka je sprovedena putem postupka konkurentskog zahtjeva za dostavu ponuda. Ukupna procijenjena vrijednost javne nabavke bila je do 10.000,00 KM bez PDV-a.

Obavještenje o nabavci broj: 1382-7-2-13-3-9/22 objavljeno je na e-Portal javnih nabavki dana 02.09.2022. godine u 9:32 sati, dok je na osnovu člana 9. stav (5) Uputstva o uslovima i načinu objavljivanja obavještenja i dostavljanja izvještaja u postupcima javnih nabavki u informacionom sistemu „E-nabavke“ („Službeni glasnik BiH“, broj 90/14 i 53/15), Poziv za preuzimanje tenderske dokumentacije u sistemu „E-nabavke“ upućen sljedećim privrednim subjektima putem e-maila:

- BDO BH d.o.o. Sarajevo, info@bdozh.ba;
- Address BH d.o.o. Sarajevo, info@addressbh.ba;
- Zuko d.o.o. Sarajevo, info@zuko.ba;
- Revker d.o.o. Sarajevo, info@revker.ba;
- Grant Thornton d.o.o. Banja Luka, office@ba.gt.com;
- PricewaterhouseCoopers d.o.o. Sarajevo, office@ba.pwc.com.

Tendersku dokumentaciju, broj: 01-04-2-3350/2022 od 02.09.2022. godine (u daljem tekstu: tenderska dokumentacija) preuzelo je 16 (šesnaest) ponuđača, dok su ponude u skladu sa provedenim postupkom javne nabavke dostavili sljedeći ponuđači:

R.br.	Broj protokola	Naziv/ime ponuđača	Datum i sat prijema
1.	U-04-3125/2022	Zuko d.o.o. Sarajevo	15.09.2022. g. u 12:00 sati
2.	U-04-3145/2022	Revik d.o.o. Sarajevo	21.09.2022. g. u 8:15 sati
3.	U-04-3152/2022	Uhy Revident d.o.o. Mostar	22.09.2022. g. u 8:30 sati
4.	U-04-3162/2022	Orecons&Audit d.o.o. Zenica	23.09.2022. g. u 8:45 sati
5.	U-04-3163/2022	Grant Thornton d.o.o. Banja Luka	23.09.2022. g. u 8:46 sati
6.	U-04-3165/2022	Address d.o.o. Sarajevo	23.09.2022. g. u 11:20 sati

Krajnji rok za prijem ponuda bio je 23.09.2022. godine do 12:00 sati.

Komisija za javnu nabavku formirana Rješenjem o imenovanju komisije, broj: 01-04-2-273/2022 od 07.09.2022. godine (u daljem tekstu: Komisija) pristupila je javnom otvaranju ponuda dana 23.09.2022. godine u 12:15 sati, te je konstatovala da su dostavljene ponude navedenih ponuđača blagovremene, o čemu je sačinila Zapisnik o otvaranju ponuda, te kopiju istog dostavila navedenim ponuđačima putem e-maila u skladu sa članom 63. stav (6) Zakona.

U skladu sa članom 63. stav (7) Zakona, Komisija je provela postupak provjere kvalifikacije ponuđača i ocjene ponuda na zatvorenoj sjednici, te je nakon izvršenog pregleda i ocjene istih utvrdila da:

- ponuda ponuđača Zuko d.o.o. Sarajevo, broj ponude 42/22 od 05.09.2022. godine sa ponuđenom cijenom ponude u iznosu od 10.000,00 KM bez PDV-a i rokom za izvršenje usluge od 672 sata, ispunjava sve uslove propisane u tenderskoj dokumentaciji;
- ponuda ponuđača Revik d.o.o. Sarajevo, broj ponude 343/2022 od 19.09.2022. godine sa ponuđenom cijenom ponude u iznosu od 10.000,00 KM bez PDV-a i rokom za izvršenje usluge od 200 sati, ne ispunjava uslove tehničke i profesionalne sposobnosti propisane u tenderskoj dokumentaciji;
- ponuda ponuđača Uhy Revident d.o.o. Mostar, broj ponude 22-22 od 20.09.2022. godine sa ponuđenom cijenom ponude u iznosu od 10.000,00 KM bez PDV-a i rokom za izvršenje usluge od 568 sati, ne ispunjava uslove tehničke i profesionalne sposobnosti propisane u tenderskoj dokumentaciji;
- ponuda ponuđača Orecons&Audit d.o.o. Zenica, broj ponude 10/22 od 22.09.2022. godine sa ponuđenom cijenom ponude u iznosu od 10.000,00 KM bez PDV-a i rokom za izvršenje usluge od 576 sati, ispunjava sve uslove propisane u tenderskoj dokumentaciji;
- ponuda ponuđača Grant Thornton d.o.o. Banja Luka, broj ponude 417/22 od 21.09.2022. godine sa ponuđenom cijenom ponude u iznosu od 10.000,00 KM bez PDV-a i rokom za izvršenje usluge od 600 sati, ne ispunjava uslove tehničke i profesionalne sposobnosti propisane u tenderskoj dokumentaciji;
- ponuda ponuđača Address d.o.o. Sarajevo, broj ponude 738/22 od 13.09.2022. godine sa ponuđenom cijenom ponude u iznosu od 10.000,00 KM bez PDV-a i rokom za izvršenje usluge od 672 sata, ispunjava sve uslove propisane u tenderskoj dokumentaciji.

Uvidom u ponudu ponuđača Revik d.o.o. Sarajevo na strani 45. i 46. ponude utvrđeno je da je isti dostavio potvrde o uredno izvršenim ugovorima, ali da vrijednost izvršenih ugovora nije srazmjerna predmetu nabavke, odnosno premašuje procijenjenu vrijednost nabavke, tj. iznos od 10.000,00 KM bez PDV-a.

Također, uvidom u ponudu ponuđača Uhy Revident d.o.o. Mostar na strani 10. ponude utvrđeno je da nacrt ugovora nije popunjen sa svim svojim podacima i detaljima koji su sadržani u ponudi, da je ponuđač na strani 44. ponude dostavio Izvještaj Centralne banke o računima poslovnog subjekta, ali

da nedostaje potvrda poslovne banke u kojoj ima aktivan račun, odnosno da je ponuđač na strani 29. i 30. ponude dostavio potvrde o uredno izvršenim ugovorima, ali da vrijednost izvršenih ugovora nije srazmjerna predmetu nabavke, odnosno premašuje procijenjenu vrijednost nabavke, tj. iznos od 10.000,00 KM bez PDV-a.

Na kraju, uvidom u ponudu ponuđača Grant Thornton d.o.o. Banja Luka na strani 5. ponude utvrđeno je da je ponuđač dostavio Obrazac za cijenu ponude, ali da isti nije popunjen u skladu sa tačkom 6.5.1. tenderske dokumentacije. Također, utvrđeno je da je ponuđač na strani 22. ponude dostavio Izjavu o ispunjenosti uslova iz člana 47. Zakona, ali da uz istu nije dostavio izvod iz poslovnog bilansa za 2020. godinu.

Uzimajući u obzir pristigle prihvatljive ponude ponuđača prema kriteriju za izbor ponude, daje se sljedeći pregled:

R.br.	Naziv ponuđača	Cijena u KM bez PDV-a	Rok za izvršenje usluge u satima	Ukupan broj bodova	Rang
1.	Zuko d.o.o. Sarajevo	10.000,00	672	100	1
2.	Address d.o.o. Sarajevo	10.000,00	672	100	1
3.	Orecons& Audit d.o.o. Zenica	10.000,00	600	93,57	3

Nakon provedenog postupka provjere kvalifikacije ponuđača i ocjene ponuda, Komisija je sačinila i dostavila direktoru Fonda za zaštitu okoliša Federacije BiH Zapisnik o pregledu i ocjeni ponuda broj: 04-2-17-interno od 30.09.2022. godine koji ujedno predstavlja i Izvještaj o radu Komisije, zajedno sa Preporukom kojom se otkazuje postupak javne nabavke broj: 04-2-18-interno od 30.09.2022. godine.

Cijeneci kriterij ekonomski najpovoljnija ponuda za dodjelu ugovora, kao i činjenicu da su ponuđači Zuko d.o.o. Sarajevo i Address d.o.o. Sarajevo dostavili ponude sa identičnom ponuđenom cijenom kao i brojem sati za izvršenje usluge, u konkretnom postupku javne nabavke nije bilo moguće izvršiti rangiranje pristiglih prihvatljivih ponuda ponuđača. Naime, u konkretnom postupku javne nabavke nesumnjivo je da postoje dokazani razlozi koji su izvan kontrole Ugovornog organa i koji se nisu mogli predvidjeti u vrijeme pokretanja postupka javne nabavke.

Uzimajući u obzir navedeno, primjenom člana 69. stav (3) Zakona, odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke može se izjaviti žalba u roku od 10 (deset) dana od dana prijema ove odluke

Fond za zaštitu okoliša Federacije BiH

Esad Humo, direktor

Dostaviti:

- ponuđačima (putem e-maila)
- Sektoru za finansije
- a/a